



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xiiij Reparatus Märtyrer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

erlichen seinen Gesellen / stelten sich freywillig
dar / als die Thäter.

Dieweil sie aber den Abgöttern nicht wol-
ten Opffern / ließ der Amptmann disen Mace-
donium vnd andere mehr / auff befehl Juliani
des Keyfers gräwlich martern / vnd zuletzt auff
einem Kost braten / In solcher marter sprachē
sie mit freudigem herzen zu dem Amptmann /
O Amachi / wann du lust hast von gebratenem
Fleisch zu essen / so wende vns vmb / auff die an-
der seyten / damit du nicht etwas an vns / das
nur halber gebraten were / finden möchtest /
Solches ist geschehen vnder Juliano Römi-
schem Keyser / im 366. jar Christi.

In der Wendischen verfolgung hat sich ein
Wunderwerck Gottes zu Tynasa in Mau-
ritania gelegen / zugetragen / Die Christlichen
Bürger dieweil sie sahen / daß man ihnen mit
gewalt Cyrillum einen Kezerischen Arriani-
schen Bischoff eingesakt hatt / haben sich der
mehrertheil auff Schiffen auß der Statt ins
elendt begeben / Die anderen aber / so noch inn
der Statt bliebē / dieweil sie die Arrianische Se-
cten nit wolten annehmen / sonder darwider red-
ten / da bestellet der König zu Carthago einen
Brauen / daß er alle Christen auff den Markt

F 311

ri
C
rillij
Repara-
tus.

zusammen treiben/vnd inen die recht Handt ab-
 haben/vñ die Zung auff's tieffste auß dem Ra-
 chen reißen solte/Solches halff nicht/dann sie
 auß wunderbarer wirkunge Gottes/gleich
 wie vor / deutlich geredt haben/ Vnder diesem
 hauffen ist auch dieser Reparatus gewesen/
 welcher nachmals am Hof des Keyfers Zeno-
 nis inn grossen werth vñnd lieb gehalten wor-
 den / Darvon schreibet Victor. libro 3. de
 Vand. persec.

o
 D
 xv
 Longi-
 nus.

Dieses Longini geschicht meldung inn dem
 Euangelio Nicodemi / Er ist der Haupte-
 mann gewest/welcher zu Christo kommen/vnd
 mit festem Glauben begert/ daß er seinen fran-
 cken knecht allein mit einem wort wolte gesund
 machē. Jesus verwundert sich ob solchem glau-
 ben/dises Hauptmans / vnd rühmet vor allem
 Volck solchen seinem glauben vnd saget / Ich
 sage euch / solchen Glauben habe ich in Israël
 nicht funden/rc.

Man schreibet von diesem Longino / daß er
 nach solchem Mirackel/vñnd der predige Chri-
 sti/ sey zu warem Christlichem Glauben bekehr
 worden/vñ sey auß Christlichem enser in Cap-
 vadociam gezogen / daselbst habe er beständig
 lich das Euangelium von Christo geprediget/
 vnd viel zu Christlichem glauben bekehr/Ende-
 lich